

Testi nr. 4

Emri i nxënësit _____

Koha: 45 minuta

Lexoni pjesën e mëposhtme dhe përgjigjuni kërkesave në vazhdim.

Shumë kohë më parë, lumi Merrimak rridhte paqësisht përmes kodrave të pyllëzuara.

Shumë kastorë kishin ndërtuar shtëpitë e tyre në këtë lumë ku peshq të shumtë notonin në ujërat e tij të pastra. Kaq i pastër dhe i mirë ishte uji i lumit, sa kafshë nga vende shumë të largëta vinin për të shuar etjen e tyre.

Në ato kohë të largëta, kafsha më e madhe në vend ishte dreri. Ai qëndronte aq i drejtë sa edhe pema më e lartë. Kur ecte, toka tundej nën këmbët e tij të rënda.

Një ditë, krijesa gjigante mësoi për lumin me ujëra të kristalta dhe të pastra. “Duhet të shkoj atje,- mendoi, - dhe ta provoj vetë ujin.”

Kur arriti te lumi, dreri filloi menjëherë të pinte ujë. I duk shumë i mire, prandaj filloi të pinte gjithnjë e më tepër. Shumë shpejt niveli i ujit filloi të binte.

Kjo i nervozoi kastorët. Çfarë do të ndodhte me shtëpitë e tyre? Ata kishin punuar shumë për t'i ndërtuar ato me baltë dhe shkopinj.

- Na ndihmoni!- i lutën ata lepujve.

- Ne duhet ta ndalojmë drerin,- u thanë këta të fundit dhelprave.

- Largohu!- i bëritën kastorët drerit. Por dreri ishte aq i madh sa askush, as edhe ariu, nuk mund të përballej me të.

Ndërkaq, dreri vazhdonte të pinte ujin e lumit. Niveli i lumit vazhdonte të zbriste poshtë e më poshtë, sa edhe peshqit filluan të trembeshin. Në fund të fundit, kastorët mund të shkonin në një shtëpi të re, por çfarë do të bënin peshqit, nëse lumi thahej?

Ata filluan të luteshin për ndihmë.

Më në fund një krijesë vendosi që ta detyronte drerin të largohej. Ishte një mizë.

- Ti je më e vogla! - bëritën kafshët. -Si mund ta detyrosh ti drerin e madh të largohet? -Ata qeshën, duke menduar se kjo ishte një shaka e mizës.

Miza e vogël kishte një plan. Në fillim ajo u ul në një rën prej këmbëve të drerit dhe e pickoi. Dreri me një lëvizje e flaku atë tutje. Por miza fluturoi në këmbën tjetër dhe këtë herë e pickoi më me forcë. Dreri përplasi këmbën me zemërim. Miza fluturonte nga një anë e kurrizit të drerit në tjetrën duke e pickuar fort në vende të ndryshme.

Dreri sa nuk u çmend nga zemërimi. Ai shkundi kokën e tij të madhe, hungëriti, përplasi këmbët dhe hodhi shkelma. Pastaj vrapoi poshtë e lart lumit, duke u përpjekur të zbulonte se kush po e pickonte. Por ai nuk e shikonte dot mizën e vogël. Më në fund u largua nga lumi duke vrapuar me sa i hanin këmbët.

Sa krenare ishte miza e vogël! “E shikoni, - u tha ajo kafshëve të tjera, - madhësia ime nuk ka dhe aq vlerë. Unë nuk isha shumë e madhe apo e fortë për ta luftuar drerin, por isha e zgjuar!”

Kastor-i- kafshë, lëkura e të cilëve përdoret për çanta, këpucë.

Qarkoni përgjigjen e saktë.

1. *Pse kastorët ishin të nervozuar?* **1 pikë**

- A) Lumi ishte shumë i ftohtë dhe i thellë.
- B) Dreri po e pinte të gjithë ujin.
- C) Peshqit ishin duke notuar në drejtim të rrymës.
- D) Miza ishte duke u mbytur në lumë.

2. *Cili nga librat e mëposhtëm mund të përmbajë ngjarje si kjo që sapo lexuat?* **1 pikë**

- A) Kafshët dhe bota e tyre
- B) Përralla me kafshë
- C) Tek shtëpia në pyll
- D) Lumenjtë në botë

3. *Cili është ndryshimi themelor midis mizës dhe kafshëve të tjera?* **1 pikë**

- A) Miza u përpoq të ndihmonte kafshët e tjera.
- B) Miza është më e vjetër se kafshët e tjera.
- C) Miza nuk e kupton problemin.
- D) Miza është më e matur se kafshët e tjera.

4. *Me çfarë toni mbyllet kjo fabul?* **1 pikë**

- A) të gëzueshëm
- B) serioz
- C) të shqetësuar
- D) të penduar

5. *Cili është kuptimi i kësaj fabule?* **1 pikë**

- A) Mizat janë më të vogla se kafshët e tjera.
- B) Lumenjtë kërcënohen për shkak të kastorëve.
- C) Truri është më i rëndësishëm se madhësia.
- D) Metodrat e duhura të ndihmojnë në situata të vështira.

6. *Cila nga fjalitë e mëposhtme bën më mirë përmbledhjen e kësaj fabule?* **1 pikë**

- A) Një kafshë e vogël e gjen veten në vështirësi.
- B) Shumë kafshë bashkohen kundër një armiku të përbashkët.
- C) Një kafshë e madhe është vënë në lojë nga një kafshë e vogël.
- D) Kafshët mësojnë pse dreri është akuzuar.

7. *Cila nga kafshët rrezikohet më tepër nëse uji i lumit thahej? Pse?* **2 pikë**

8. **Gjeni në tekstin e dhënë një epitete dhe një metaforë, që të tregojnë veçori të drerit.**

2 pikë

a) Epitet: _____

b) Metaforë: _____

9. Vendosini një titull të përshtatshëm kësaj fabule. 1 pikë

10. Plotësoni: 2 pikë

Autori e ndërton ngjarjen duke vënë përballë drerin që përfaqëson _____
_____ dhe mizën që përfaqëson _____.

11. Shkruani një fjalë të urtë që është e përshtatshme për ngjarjen që sapo lexuat. 1 pikë

12. Përcaktoni nga intonacioni tipin e fjalive të thjeshta. 4 pikë

- a) "Largohu!"- i bërtitën kastorët drerit. _____
- b) Çfarë do të ndodhte me shtëpitë e tyre? _____
- c) Na ndihmoni!- iu lutën ata lepujve. _____
- d) Dreri përplasi këmbën me zemërim. _____

13. Gjeni kryefjalën dhe tregoni me se është shprehur. 2 pikë
Në fillim ajo u ul në një rënë prej këmbëve të drerit.

- a) kryefjala: _____
- b) shprehur me: _____

14. Nënvizoni kallëzuesin dhe tregoni llojin e tij. 2 pikë

Niveli i lumit vazhdonte të zbriste poshtë e më poshtë

- a) kallëzuesi: _____
- b) lloji: _____

16. Përcaktoni funksionin që kanë fjalët e nënvizuara. 3 pikë

- a) Ata qeshën duke menduar se kjo **ishte një shaka e mizës**. _____
- b) Këtë herë miza e pickoi më **me forcë**. _____
- c) Krijesa gjigante mësoi për lumin me ujëra **të kristalta**. _____

17. Gjeni llojin e kundrinorit dhe tregoni me se është shprehur. 2 pikë

Ata filluan të luteshin **për ndihmë**.

- a) Lloji: _____
b) Shprehur me: _____

18. Përcaktoni llojin e rrethanorëve.

3 pikë

- a) Ata kishin punuar shumë **për t'**i ndërtuar ato shtëpi. _____
b) Lumi Merrimak rridhte **pagësisht** përmes kodrave të pyllëzuara. _____
c) Ai u largua **nga lumi** duke vrapuar me sa i hanin këmbët. _____

19. Plotësoni me emër ose GE me parafjalën nga.

3 pikë

- (rrethanor vendi) _____
Dreri u largua (rrethanor shkaku) _____
(kundrinor i zhdrejtë me parafjalë) _____

20. Qarkoni fjalinë e përbërë me bashkërenditje.

1 pikë

- A) Kur ecte, toka tundej nën këmbët e tij të rënda.
B) Iu duk shumë i mire, prandaj filloi të pinte gjithnjë e më tepër.
C) Ndërkaq, dreri vazhdonte të pinte ujin e lumit.
D) Më në fund një krijesë vendosi që ta detyronte drerin të largohej.

21. Të shkruajmë

6 pikë

Humbja e diçkaje apo e dikujt mund të të ndryshojë. Mund të humbasësh një mik, një kafshë të dashur, paratë ose dhe besimin tënd në përralla. Shkruaj për një humbje që të ka ndodhur. Për shembull, mund të mbështetesh edhe në një nga variantet e mëposhtme:

humbja e diçkaje të ka hidhëruar shumë,
OSE
dikur humbja e diçkaje nuk të solli trishtim,
OSE
diçka nuk ishte e jotja dhe ti e humbe etj.

Mund të përdorësh shembuj nga jeta e përditshme, nga diçka që ke lexuar (parë) ose mund të shkruash diçka imagjinare.

6 pikë

Zhvillimi i idesë	Struktura dhe organizimi	Stili dhe origjinaliteti	Saktësia gramatikore dhe drejtshkrimi	Totali
2 pikë	1 pikë	2 pikë	1 pikë	6 pikë

Tabela e vlerësimit

Nota	4	5	6	7	8	9	10
Pikët	0-9	10-14	15-19	20-24	25-29	30-34	35-40